

增補治疔大全

後附  
近診醫案

增訂治疔大全卷下目錄

治法

蜘蛛拔毒法

蟾蜍拔毒法

治疔簡便法

方劑

兼治一切外科雜證開須留意

狗寶丸

消疔毒膏

拔疔毒丸

拔疔方

飛龍奪命丹

蟾酥丸

回生丹

拔疔條

拔疔散

黑虎丹

加味八將散

解毒散

烏龍膏

麝香散

坎宮錠子

離宮錠子

拔疔紅膏

珍珠生肌散

生肌玉紅膏

久不生肌方

鐵桶膏

疔敷藥

雄黃散

雄黃牡蠣散

琥珀膏

定痛散

栗子散

蓉黃散

鐵粉散

白油膏方

立應紺珠丹

雙鮮貴金丸

破棺丹

鱗鱗治疔方

保命丹

牛黃鮮毒方

異功散

元硃丹

青果散

西黃丸

附醒消丸

琥珀蠟礬丸

護心散

石青鮮毒丸

治疔毒外證

臭爛生蛆

平安餅

治鍼刺入肉

治鍼傷經絡方

海馬崩毒法

追疔奪命湯

雄麝湯

黃耆六一散

緩唇湯

葱礬散

丁壬湯

加味三星湯

七聖湯

人參散 附敗毒散 連翹敗毒散 敗毒散 荆防敗毒散 木通敗毒散

天葵飲

顧步湯

驅溼保脫湯

顧步保脫湯

木香流氣散

疔毒復生湯

七星劍

五味消毒湯

化疔內消散

加味黃連解毒湯

解毒大清湯

內托安神散

托裏散

神授衛生散

加味荊防敗毒散

除瘟化毒散

內顧清心散

回疔散

治疔走黃方

菊花飲

地丁飲

消疔化毒湯

桔梗湯

羌活散

治喉紫地湯

治喉六味湯

內疏黃連湯

加減升葛湯

四妙湯

外證敗毒散

人參清神湯

八珍湯

十全大補湯

人參養營湯

補中益氣湯

人參黃耆湯

洗滌

豬蹄湯

文蛤散

炙照蒸烘挑

隔蒜灸法

神燈照法

照後敷藥方

霹靂火蒸法

桑枝烘法

挑洩五臟毒法

痧證通治方

雷擊散

烟油鮮痧方

滿天星方

擦雞蛋清方

觀音救急方

附疎  
方

九轉一粒還丹

以下俱  
詳簡案

黃狗下頰散

龍象散

消腐散

導痰開關散

通關散

瓜霜散

逐腐神方

喉證嗽口法

活血千槌紅膏

平安餅

陰陽至聖膏

附陰陽  
至聖丹

過氏自製輕身延年藥酒方

消毒奪命飲

陰疽奪命湯

喉證八寶珍珠散

已戍丹

二味拔毒散

增訂治疔大全卷下

金匱過 鑄玉書甫著

休甯甯本瑜瑋香  
祈門倪望重愚山全校

治法 方劑 洗滌 灸照蒸烘挑 痧方

蜘蛛拔毒法

先將疔頭用磁片刺破，尋活蜘蛛一個，越大越好，放疔上，蜘蛛自能奔赴刺處，吸拔其毒，少時蜘蛛不動，即取放冷水中自活。如不愈，再用蜘蛛再行吸拔，或另取蜘蛛用之，以毒盡為止。無論疔患何處，雖毒極重，不省人事，命在垂危，立可回生。此急救第一良法。凡手指生蛇頭瘡及毒蛇毒蟲咬傷，皆可照此拔法，癰疽亦效。

蟾蜍拔毒法

冬日無蟾蜍，在老梅樹根老楊樹根及桑樹根下取之。

治一切疔毒癰疽發背

取活蟾蜍，俗名癩團，須擇眼不紅，腹有八字紋者佳。未成者繫蟾蜍於患處，良久蟾皆憤置水中救之，或

再易一個，數易則毒散矣。重者剖腹連肚乘熱合上，臭則易之。三易則腫退，毒散，或取其肝煎湯服，輕可勿服，或取其肝數數易亦效。數唇最驗。如發背諸大證，宜再服內消散，用生黃耆一兩，當歸二兩，金銀花四兩，或六兩，生甘草三錢，輕者減服，重者不可減。

若陰疽陰發背 腫痛

或不痛亦照前法治之效此林屋山人家用秘方疔毒亦照治若痧證貼心坎腹痛貼

臍上如瘡不收口或堅硬翻花起肛者用法如前倘口硬孔深取鮮牛蒡子草或鮮紫花

地丁草連根搗爛小兒疳積作脯食效且能健脾胃消食或將蟾蜍背上刺孔

數各證欲其毒外洩也若外證陽者內服醒消丸三錢酒下疔不用酒以止其痛

愈後永戒食田雞蝦蟆

治疔簡便法

用食鹽研極碎厚塗於患處再用紙搭數捻須緊而硬蘸菜油或麻油點著

火向鹽上打之火息點著更打覺燙痛即止少停再打至腫消不癢不痛為

度外敷消疔毒膏輕者不敷亦可此法施於輕而初起者效

立秋後五日取野茄標內之蟲用土貝母研細末拌勻搗爛成丸如菜豆大

臨用捏扁放患處頂上外蓋膏藥數日疔腳拔出如覺不效再換一丸或用

硃砂將蟲拌勻放於石灰罈內炙乾臨用研碎放膏藥上貼之亦效此法施

之初起極靈將成者則不效矣野茄標即蒼耳草梗也

治疗必先刺患處擠出惡血後再令人飽餐復飲火酒數盃然後口含冷水  
向刺處以口吮盡惡血水溫吐出再吮至不知痛癢方止此法治疗極便極  
效

### 狗寶丸

治疗毒癰疽發背附骨疽諸般惡瘡初起憎寒壯熱四肢倦怠沉重者無分  
老幼表裏輕重皆可服若暴中急證忽然倒地只須撬開牙關研灌三丸其  
人即活一名返魂丹二名再生丸三名追命丹四名延壽丹五名來醒丸六  
名知命丸七名得道丸八名黍米寸金丹皆後人易其名也

狗寶

一兩  
生用

烏金石

蟾酥 各二錢

乳香

沒藥

雄黃

硃砂

輕粉

麝香

白粉霜

鉛白

各一錢  
水銀  
煉白色者

鯉魚膽

七個去皮乾  
臘月者尤佳

黃蠟

三錢



金頭蜈蚣 七條 酥炙黃色

頭胎男乳 一合 白丁香 四十九粒 揀直尖

狗胆 去皮乾用一個黑狗冬月者尤佳

右藥為末將黃蠟乳汁熬成膏和藥為丸如菘豆大大人三丸小兒一丸重者五丸冷病用葱湯熱病用新汲水腰以下病食前服腰以上病食後服少頃投以熱葱白粥蓋被汗出為度醫宗金鑑改名寸金丹用麝香五分狗寶一錢白粉霜三錢鯉魚胆三個硃砂二錢大為加減狗寶為此方主藥過輕則恐難見效麝香亦不可減也硃砂若猪肝硃鹽硃用之俱不甚效必須於極大藥肆中購買每分價八九百文者方效

案此方載於永樂大典宋嚴用和所撰濟生方內金大定間嵇姓得狗寶丸方於異人凡遇極重外證先投以狗寶丸次投以熱葱粥覆被出汗汗不出者不治出汗後瘡之陷者立起散者即聚真神丹也以此方獻於金主其後稽事余乾以外科奉御療將士有功金主賜以金帛余治重險證投以狗寶

丸無不效徐靈胎云外科護心定痛之方以狗寶丸為最於疔證尤宜  
消疔毒膏

兼治癰疽

松香

二十兩  
製法附後

乳香

三兩每兩用燈心二錢  
五分同炒去油研細末

沒藥

二兩  
研製同上

銅綠

五兩研細過絹篩  
再研至無散為度

百草霜

五兩研細過絹篩  
再研至無散為度

白蠟

二兩  
切粗末

麻油

六兩

黃蠟

十兩  
刮取粗片

擇吉日淨室焚香齋戒修合忌婦女雞犬孝服人見用桑柴火先將麻油入  
鍋熬滾次下松香候稍滾三下白蠟候稍滾四下黃蠟候稍滾五下乳香候  
稍滾六下沒藥候稍滾七下銅綠候稍滾八下百草霜再滾數次於鍋內太  
老則不適用并少功效冷透搓成如桂圓核大藏磁瓶內臨用以一丸捻扁  
勿見火或呵軟或熱水炖軟貼患處頃刻止痛次日腫消已破爛者亦效治  
疔之至寶也

製松香法 用桑柴炭煎汁澄清入松香煮爛取出納冷水中少時再納灰水中煮以色白為度

取百草霜法 先將鍋底刮淨專燒茅柴百草取烟煤用如別草則不驗燒過杉木有毒而無用矣

### 拔疔毒丸

疔瘡乃外科旦夕之危證此方統治各疔極驗重至走黃服之亦效孕婦忌服

雄黃

大黃

巴豆

各等分畧去油去膜心殼

共研細末以飛麩陳醋煮糊為丸如鳳仙子大重者服二十三丸輕者十三丸數用單不用雙熱水送下服後待瀉四五次飲新汲水瀉即止自愈若重不省人事速將丸用開水融化從口角灌入隨扶坐片刻一瀉便醒蓋疔走黃即用大黃芒硝等利藥恐一時難洩不洩則毒不去此方服無不效瀉去其毒自無大患按巴豆辛熱有毒性畏大黃及黃連冷水茲用大黃以制其

性冷水以解其毒去而人不傷誠妙方也巴豆不去膜則傷胃不去心則作嘔膜與心必去淨斷不可忽東垣治五積巴豆與大黃同用轉不大瀉古方用巴豆者甚多今人不參透其性故不敢用宋人急救仙方內雄黃散無大黃而用鬱金與此畧同不若此方之妙證在頭面者更宜傳青主云頭面諸瘡宜降火瀉毒所謂病在上而求諸下即釜底抽薪法也

### 拔疔方

巴豆

半粒  
去殼

磁石

少許  
研

共為末拌勻用葱涎同蜜為膏挑破敷上

### 飛龍奪命丹

治疔瘡發背諸大惡證服後平塌者有頭麻木者便痛已成者立愈昏潰者自甦嘔吐者自止此疔瘡惡證中至寶也

蟾酥酒化

乳香去油

沒藥去油

銅綠

硃砂

各二錢

血竭

膽礬

寒水石錢各一

麝香

輕粉各五

雄黃三錢

天龍即蜈蚣一條去頭炙

海羊即蝸牛二十一個連殼用

右為細末將海羊研若泥和前藥為丸如菉豆大如丸不就稍加麩糊為之  
每服六七丸先用葱白三寸令病人嚼爛吐於手心男左女右將丸裹在葱  
白內用無灰熱酒三四盞送下於避風處以被蓋卧約人行五里之久再用  
熱酒數杯以助藥力汗出如淋為度證重汗如不出再服二丸汗出自效汗  
冷者不治疗走黃過心者亦不治如病者不能嚼葱搗碎裹藥酒下瘡在上  
食後服在下食前服服後忌冷水黃瓜茄子油麩猪羊魚肉一切發毒物及  
婦人狐臭氣證已潰者不宜用治疗須去酒無汗以葱湯灌之如遇唇面之  
疔取壁蝨數只與此丸同搗爛敷之外蓋消疔膏甚效壁蝨一名壁疔生潮

溼壁脚邊似小海蝨疔不用酒

蟾酥丸

治與上同

蟾酥

二錢  
酒化

膽礬

枯礬

輕粉

乳香

銅綠

寒水石

煨

沒藥

各一錢

雄黃

硃砂

各三錢

麝香

至少五分  
一錢更效

蝸牛

二十一箇  
不去殼

丸法服法用法俱如前

回生丹

治疔毒入腹并癰疽惡瘡初發或發而黑陷者

砒霜

製造

礞砂

乳香

半夏

黃丹

各五分

巴豆肉

雄黃

天南星

礞砂

各一錢

斑蝥

揀大十五隻  
去頭足翅微炒

麝香

一分

研細用蟾酥酒化為丸麻子大硃砂為衣每服十五丸服後吐瀉俱作乃醒

案是方刻於景岳全書注云條李頤顏先生口授真有起死回生之功疔已走黃死生在倏忽不可不用峻厲之劑如感暑蘊隆至不可耐風雷雨電一作則熱頃除矣

又案此方蘊毒於內不能外發者宜之若積熱太盛毒氣熾發脈浮洪者不可用必脈沈細脈數乃可

拔毒條

治一切疔毒

雄黃

硃砂

各二錢

礞砂

白丁香

輕粉

血竭

各一錢

乳香

六分

麝香

一分

金頂砒

五分  
製透

蜈蚣

一條  
炙

共研細末用蟾酥五分酒化打和為條如麥大形長尖以便插入孔內用膏蓋之

追出膿血疔腳為效

拔疔散

刺後以藥嵌入患處能拔疔脚有神效勿輕視之

硃砂

白礬

食鹽

硃砂 各等分

先用鐵綉刀燒紅將礬鹽放刀上煨之擇丁日午時同硃砂硃砂研末藏入磁瓶

黑虎丹

治癰疽初起神效疔如有膿而核硬者亦用此藥摻膏藥上貼之

穿山甲 七片

大蜘蛛

炙晚

蟬衣

微烘

全蠍 各七個

蜈蚣

炙

僵蠶

各七條 微炙

冰片 五分

麝香

公丁香

母丁香 各一錢

磁石 三錢

不靈不效

西黃 三分

研極細末藏磁瓶勿洩氣



八將丹 加味

拔毒生肌外證要藥

穿山甲 七片

全蠍

蟬衣 各七個

僵蠶

蜈蚣 各七條

五倍子

腰黃 各三錢

冰片

西黃 各五分

麝香 三分

公丁香

母丁香 各一錢五分

共用極細末摻用

解毒散 圍藥

散熱收赤暈

寒水石 二兩

龍骨 五錢

黃連 去鬚

黃蘗 各一兩

輕粉 一錢

右為細末和雞子清調圍以雞羽掃瘡外乾則再掃若熱瘡加黃丹五錢

烏龍膏 圍藥

治一切疔毒癰疽腫毒收赤暈

木鱉子

去殼

半夏各一錢

陳小粉四兩

草烏

五錢

右藥於鐵勺內慢火炒焦為細末出火毒再研細以冷水調圓用陳醋更好  
一日一換

麝香散

治惡瘡發背魚眼疔有紫惡肉者以藥乾摻在惡肉上上蓋膏藥每日一換

麝香

輕粉

定粉各五分

粉霜

一錢五分

巴豆

三粒去皮

白丁香

十四粒

先研巴豆令細後用各藥研細合研極細藏入磁瓶封固

坎宮錠子

治疔毒焮腫赤熱痛疼諸毒并痔

焮腫者瘡腫肉不腫也易治

京墨一兩

熊膽三錢

胡黃連

兒茶 各二錢

冰片 一錢

麝香 五分

牛黃 三分

研末用猪膽汁為主加薑汁大黃水浸取汁釀醋各少許和藥成錠用時水磨筆蘸塗之

離宮錠子

治疔毒腫毒一切皮肉不變漫腫無頭者立效  
漫腫者肉腫瘡不腫也難治

血竭

蟾酥

膽礬 各三錢

京墨 一兩

硃砂 二錢

麝香 一錢五分

右共為末涼水融調成錠涼水磨濃塗之

拔疔紅膏

拔疔脚消陽毒

銀硃 三錢  
水飛

草麻仁

嫩松香 各二錢  
製

黃丹 一錢

輕粉 五分

共搗成膏以鍼將疔頭挑破用膏一小團放患處外另貼膏藥疔即拔去并治腫毒

### 珍珠生肌散

生肌收口

珍珠

三錢生研

蘆甘石

一兩煨

石膏

一兩五錢放童便內浸四十九日逢晴天晒露勿經雨煨研

共為細末摻之或以甘草煎濃汁浸蘆甘石七次和入更效

### 生肌玉紅膏

專治癰疽發背諸般潰爛棒毒等瘡於已潰流膿時先用甘草湯淋洗甚者用猪蹄湯軟絹挹淨後將抵脚挑膏於掌中捺化遍捺於新腐肉上外以清涼膏蓋之大瘡早晚洗換兩次兼服大補脾胃之藥腐肉易脫新肉即生瘡口自斂此收斂藥中之要方也如瘡口深陷以新棉花蘸膏塞之

白芷

五錢

甘草

一分

紫草

二錢

血竭

輕粉

各四錢

白蠟

當歸身各二兩

麻油 一斤

先用歸身甘草紫草白芷四味入油浸三日大杓內慢火煮藥微帶枯色用細絹濾清再將油入杓內煎滾即下血竭待化盡次下白蠟微火待化用茶鍾四只先炖水中膏分四處傾入鍾內停片刻隨下研極細輕粉每鍾和一錢攪勻至一伏時取起分兩加減則不效

久不生肌方

外證及杖瘡久不斂者瘡有膜也用玉簪花即白鶴花於石臼內杵爛敷之三日一換五六次即愈

鐵桶膏 圍藥

治將潰已潰脚跟走散不收束者 治發背最效

五倍子

一兩 微炒

白芨

銅綠 各五錢

明礬 四錢

膽礬 三錢

輕粉

鬱金 各二錢

麝香 三分

右為末用陳米醋一碗放杓內文火煎至一小鍾以起金色黃泥為度待溫

入藥一錢調勻炖溫用新筆蘸藥園根上蓋以棉紙自起綳紋漸收漸緊再不開大如疔惡腫加黑牛耳內宿垢同研敷園之取垢法用鹽少許入牛耳耳瘡則任人去取

疔敷藥

名鐵羅散  
園藥

散毒消腫兼治一切外證

生大黃

卷兩

白芷

二兩

川烏

草烏

生南星

生半夏

黃柏

白芨

白蘞

各一兩

五倍子

一兩五錢

陳小粉

四兩醋炒

共研細末醋調敷留頭

雄黃散

治指疔散毒消腫

明雄黃

二錢

輕粉

五分

蟾酥

二分

冰片

一分

研細用新汲水調濃湯炖熟敷患處蓋以薄紙日換三四次

雄黃牡蠣散

祛毒定痛

明雄黃 二錢

牡蠣 四錢

分研細末和一處再研勻蜜水調濃湯沌溫塗之日五六次

琥珀膏

定痛生肌

定粉 一兩

血餘 八錢

輕粉 四錢

銀硃 七錢

花椒 十四粒

黃蠟 四兩

琥珀末 五分

麻油 十二兩

將血餘花椒麻油煤焦去渣下黃蠟化盡用夏布濾淨入磁盆內預將銀硃

定粉輕粉琥珀末四味各研極細末共合一處徐下入油用柳枝一時攪之

以冷為度胭脂綿攤貼或紅紙俱可

定痛散

治疗瘡諸瘍潰爛痛不可忍者

乳香 去油

沒藥 各二錢

寒水石 煨

滑石 各四錢

冰片 一分

共為細末用麻油調敷患處疼痛即止此方乳沒性溫佐以寒品故寒熱之痛皆效

### 栗子散

治疔毒及惡證

用壞栗子肉墨不可食者連殼炒枯同海螵蛸去甲等分研末蜜調徧敷再用金銀花一兩煎濃調服三錢最解諸毒

### 蓉黃散

治諸瘍已成未成皆效

南星 陳皮 蒼朮 甘草 厚樸各二兩 黃蘗 薑黃 大黃各五兩

天花粉一斤 白芷三兩 經霜芙蓉葉五兩去筋

晒乾磨三次細絹羅篩過藏磁罐勿洩氣凡證紅腫膿未成者及夏月火令俱用茶化蜜調敷欲作膿者煮湯化蜜調敷如漫腫無頭皮色不變濕痰流毒附骨癰疽及鶴膝風等證用葱酒煎調敷若風熱所生皮膚亢熱色亮



遊走不定用蜜水調敷或天泡瘡黃水漆瘡火丹赤遊惡血攻注等證用大藍根葉搗汁或靛青汁融藥調敷水燙火燒肌膚破爛麻油調敷

鐵粉散

治足疔潰爛及腿瘡不收口者

鐵粉即鐵砂如無用黑鉛四兩放鐵杓內化開傾水中冷定取出再化再傾以鉛化盡為度去水取末三錢加

黃丹 水飛 輕粉 松香 各一錢 麝香 一分

各研細末共和一處再研勻患處用葱湯洗去血水腐具將香油調藥搽上外蓋油紙紮好如再貼白油膏更妙

白油膏方

治腫瘡數十年不愈數日即可收功捷如影響并治禿頭瘡坐板瘡及一切年久溼熱諸瘡膿血不止久不收口等證神妙異常乃腫瘡第一方也

真桐油 三兩 防風 白芷 各一錢五分

放油內泡一夜入鐵器內慢火熬枯去藥滙盡渣滓將油再熬待油將開用雞蛋一個去殼放油內炸深黃色去蛋不用再將油用火慢熬俟油明可照人鬚眉當入白蠟六分黃蠟四分鎔化速用竹紙十餘張乘熱浸入油內一張一起攤冷令去火氣又須逐張隔開風前吹透若堆放不隔雖累日火氣難洩用此貼上毒反內逼不能收功如法去火氣貼之片刻膿粘膏紙隨棄隨換日須十餘次數日膿盡肉滿生肌不貼亦可膿多者用黃蠟六分白蠟五分不生肌者用白蠟六分黃蠟五分量勿稍增減

### 立應紺珠丹

治癰疽疔毒對口發頤風溼風瘟溼痰流注附骨陰疽鶴膝風左癱右瘓口眼喎斜半身不遂氣血滯凝偏體走痛步履艱辛偏墜涎氣偏正頭痛破傷風牙關緊閉截解風寒無不應效

茅朮 八兩

全蝎 石斛 明天麻 當歸 甘草 川芎 羌活

荆芥 防風

麻黃 細辛

川烏

湯泡去皮

草烏

泡湯去皮

何首烏 各一兩

腰黃 六錢

研末蜜丸用硃砂六錢為衣每末一兩分作四丸或六丸或九丸以備年歲老少病勢緩急取用如惡瘡初起二三日間或癰疽已成至十日前後但未出膿狀若傷寒頭痛煩渴拘急壯熱惡寒肢體疼痛惡心嘔吐四肢沈重恍惚悶亂坐卧不安俱宜服之用連鬚葱白五枚煎湯一茶碗將藥丸一乘熱化開通口服盡蓋被汗出為度倘服後汗遲再用葱白湯催之後必汗出如淋漸漸將被退下其病若失未成者消散已成者腫潰如無表證相兼不必發散者只用熱酒化服此方原載於諸風癰疽門然用之發散瘡毒其效甚捷者何也凡營衛不調氣血凝滯乃生癰腫此方專於發散又能順氣搜風通經絡所謂結者開之况瘡毒乃日積月累結聚所發苟非甘溫辛熱發泄以汗疎通安能見效所謂發散不達熱正合此方之意服後避風當食稀粥忌冷物房事孕婦勿服

按此方載於明陳寔功所著外科正宗名曰保安萬靈丹既名萬靈必有

所驗而云然也余遇對證者投之輒效吳江徐靈胎所批此方之不是處未必盡確徐君尚如是世之強作解人者尚其慎諸

或謂疔係陽證細辛乃大熱之品似乎不宜不知細辛最開疔數宋人追疔奪命湯之所以用細辛者即此意也古人立方用意甚深今用奪命湯有刪去細辛者失其用意宜乎不效也

### 雙解貴金丸

治發背疔瘡諸毒便閉脈洪沈寔者

大黃 一斤  
白芷 十兩

研末水丸每服三五錢五更時用連鬚蔥大者十餘根黃酒一碗煮蔥爛取酒送藥蓋卧出汗過二三時泄一二次立效疔不用酒只用蔥湯送藥此宣通攻利之劑濟以蔥酒力能發汗故云雙解弱者隨用四君子湯補之老人虛人每服一錢用人參加生薑煎湯送下過一時再一服得睡上半身得汗睡覺則已

破棺丹

治瘡毒入腹危極者

大黃

二兩  
半生半熟

芒硝

甘草

各一兩

磨細蜜丸彈子大每服半丸食後溫酒送下或童便半盞研化服忌食冷水

鱗鱗治疔方

用鱗魚領下掉水翅下邊兩長鱗左右兩片揭下勿落水放入磁瓶以菜油浸之油勿過多或陰乾收藏用時以銀花湯浸軟將疔頭刺破擠出惡血如初起不刺亦可取鱗一片貼於患處外蓋膏藥疔毒即散在腮後一二層者亦效餘鱗無用

按諸方書俱言鱗鱗治疔極效是則用之治唇疔極效餘疔稍遜紅絲疔則無用矣

保命丹

去梅片珍珠琥珀山豆根四味名紫金錠徐靈胎云此秘藥中第一方用治百病神效

治咽喉口齒新久腫痛并解諸毒

麝香 硃砂

雄黃 各三錢

梅片

珍珠

琥珀 各一錢

山豆根

蒸汁

千金子

即續隨子 去油揀白者

文蛤

各一兩 焙

山茨菇

二兩 焙

紅牙大戟

一兩五錢 焙 須浙江

紫大戟北方 綿者無用

研末以糯米粥和山豆根汁搗糊為錠每錠一錢證輕者磨服壹錠重者連

服二錠

牛黃解毒丸

治一切喉風痺閉痰涎壅塞胸膈迷悶井口舌等證

牛黃 冰片

雄黃 各五分

兒茶

薄荷 各三錢

青黛 一兩

膽星 四兩

硼砂 五錢

研細蜜丸如芡薏大每噙一丸待其自化嚥下一日夜須噙四丸小兒減半

喘者不宜服有牛黃故也

異功散

治一切喉證不可入口

斑毛

四錢 去翅足 入糯米炒黃

乳香

血竭

沒藥 各六分

麝香

冰片 各三分

元參 六分

全蝎 六分

共研細末磁瓶收貯如遇喉痛將藥少許放清涼膏上貼外面頸間左痛貼左右痛貼右左右皆痛則皆貼一周時起泡用銀鍼挑破擠盡黃水腫痛即消神效

### 元硃丹

治喉中潰爛能長肉生肌生新去腐

礞砂

元明粉 各五錢製

硃砂 六分

梅片 五分

共研細末吹之

### 青果散

一名三神散

治喉證神效牙疔及爛牙根亦效

揀好青果一百個將麻布包好於冬至日浸重便缸內至立夏前一日取出陰乾研末再用指甲二錢炙枯研細又用秋天壁蟾窩數十個

在木者無用

生礬末拌炙或用竹葉夾炙存性研細融前未吹之用時加梅片更效

西黃丸 附醒消丸

治疔瘡大熱癰毒腫痛立能消散

西黃 三分

麝香 一錢五分

乳香 去油

沒藥 去油

黃米飯 各一兩

搗爛為丸忌火烘陳酒送三錢患在上部臨卧服下部空心服孕婦忌服又

醒消丸照前西黃丸加雄黃五錢去西黃孕婦亦忌

服後即睡醒即消故曰醒消

琥珀蠟磬丸

治癰疽發背瘡形已成而膿未成之際其人即不虛弱恐逼毒入裏服此護膜護心亦且活血解毒疔毒用菊花一兩煎湯服

黃蠟 一兩

白礬 一兩二錢

雄黃 一錢二分

琥珀

硃砂 各一錢

白蜜 二錢

研細將蠟蜜入銅杓溶化離火候蠟四邊稍凝方入藥末攪勻併作成塊隨近微火烘速作丸如菉豆大硃砂為衣食後白湯下二三十丸毒重者早晚服之功效甚捷



護心散

治瘡腫毒不破致毒內攻口渴煩躁惡心嘔吐服此護心解毒并治狗咬

萊豆粉 一兩

乳香

五錢 去油

硃砂

甘草

各一錢

燈草炭

三錢

詳上藥性內 製法

共研細末每服二錢滾水調服早晚兩次徐徐嚥下令時在胸膈或用甘草一兩濃煎即用此湯泛為丸每服三錢重者飲真麻油真菜油或白砂糖三四兩開水調服如無燈草炭即用萊豆粉甘草節硃砂各等分研末開水調服三錢俟神清接服醒消丸

石膏解毒丸

專治疔毒及一切腫毒

浮水石

石膏

各四錢

青黛

二兩

共為末蒸餅丸如芡寔大井花水化下或薑湯亦可按疔發雖發在他經總

由心火可服寒涼以折之用此最宜况石膏攻而能表散青黛解毒散熱勿

以寒涼忌也

如證在下體浮水石宜改用寒水石

治疔毒諸外證臭爛生蛆

用海參為末摻或皂礬末摻俱化為水

平安餅

治毒根凸起久不脫落

烏梅肉 一錢  
輕粉 五分

同研至不見粉亮為止如藥硬難研用津潤之切勿見水研成膏後量患口  
大小作薄餅數個貼毒根外蓋膏藥日易一次俟毒根不痛落下乃止

治鍼刺入肉

有眼者隨氣血走至  
心即死無眼者不走

磁石 五錢  
雙杏仁 三錢  
花粉 一兩

為末猪油調敷三次或用指甲磨塗鍼口鍼頭即出內治以韭菜蠶豆煮食  
治鍼傷經絡方

治傷處白膿赤汁交流不止

黃耆 四兩  
當歸 一兩  
肉桂  
木香  
沉香  
乳香 各五錢  
去油  
萊豆粉 四兩

為末生薑汁煮糊為丸如桐子大每服四十五丸白湯送下如走散作腫則用金縷散調敷方用

白芨 白蘞 白芷

大黃 各五錢生

黃柏 菜頭粉 各三兩

輕粉 五分

研末蜜調厚敷

海馬崩毒法

對口發背眉疔等證初起用之

用熱水自肘後洗至手六經起端處止 在指端 日洗數十遍以泄熱毒務洗

至指甲皮穰方可住洗蓋三陽經俱屬督脈經所領洗至指甲皮穰俾熱從根本解也此係秘傳不可忽視

追疔奪命湯

姚理堂云平常之疔則用黃連解毒湯或犀角地黄湯若脅疔腫如楮嘴堅硬無膿內外起細頭黃泡作寒作熱神氣不定如仍用黃連等湯勢必走黃百難救一惟追疔奪命湯及雄麝湯方能救治

羌活 獨活 黃連 赤芍 蟬蛻 僵蠶 腳蓮 甘草節 草河車

一名重  
樓金線

澤蘭

金銀花

細辛

或減半

防風

青皮

各一錢半

蔥

五根

生薑 五片

水煎服蓋被取汁如大便閉結加生大黃有膿加何首烏白芷在腳加木瓜  
病退以前藥加大黃一錢瀉一二次以去餘毒此方藥味似乎不切然屢試  
屢效有刪去細辛用者意謂細辛乃大熱之品疔係火證用之不宜不知細  
辛最開疔竅且與黃連并用故施之於初起則內消用之於將走黃者亦甚  
效經云寒因熱用藥寒而佐以熱俾無拒格之患此方載於永樂大典宋人  
急救仙方中

雄麝湯

治已走黃者

紫地丁

二錢鮮者  
炒水洗淨

白芷

牡蠣

牛蒡子

金銀花

僵蠶

黑山

梔

荊芥穗

青木香

茜草根

各二錢

甘草

一錢半

右共煎好去渣再用雄黃乳香各一錢麝香二分俱各研細末和勻備煎藥  
同服若大便閉結病人氣體壯寔者加大黃二錢芒硝一錢孕婦忌服

黃耆六一湯

治漏孔穿開膿水不絕者

黃耆 六錢蜜水拌炒 甘草節 一錢

水煎食遠服十餘劑後膿水自乾

緩唇湯

治頭面疔毒唇疔尤效

紫地丁 一兩 金銀花 一兩 桔梗 三錢 甘草 三錢 白果肉 二十枚  
去心

知母 三錢

水煎服已潰者加當歸按是方婺源汪雙池先生收入醫林纂要謂不甚愜  
意錢氏鏡湖所著辨證奇聞言是方治唇疔極效余謂唇疔之毒最烈艱於  
飲食且易走黃往往有腐爛而死者初起刺之擠盡惡血總以瀉毒為第一

妙法瀉毒後再服此方未嘗不效也

葱薤散

治疔毒及外證初起未成膿者皆效

明礬

三錢研

葱白 七個

共研爛分作七塊每塊用葱頭煎湯作七次送下蓋被取汗無汗再用葱頭湯灌之汗出如淋病即可愈疔不用酒餘證用酒送下更效

丁壬湯

治對口兼治背疽此方有紫黃花二丁又用二活行太陽經屬壬水故名丁壬并取丁壬化木為發生之意

金銀花

三錢

蒲公英

紫地丁

羌活

獨活

當歸

黃耆 生

甘草

各一錢生

防風

五分

若有變證及潰敗而虛則托裏止痛八珍十全諸方皆可用按是方載於發源雙池先生所輯醫林纂要余因其分量太輕加重二丁及黃耆甚效或與

三星湯參用潰而陷則與七聖湯參用

加味三星湯

治對口癰疽疔毒等證初起無論陰陽皆可服

金銀花 三兩

蒲公英 一兩

赤首烏 二兩

甘草 三錢

茄蒂 十四個  
白者更佳

夏枯草 四錢

鮮者佳

初起加穿山甲口渴加元參寒熱頭痛加防風前胡若陽證已破仍以此方

治之

茄蒂首烏治對口  
效見於折肱漫錄

七聖湯

治對口陰證大潰或低陷不能收口者俱效

人參

或用黨參

黃耆 生

當歸

白朮

各一兩

金銀花

二兩

白芥子

三錢

肉桂 一錢

連服七八劑必效蓋陽證可以涼瀉而陰證必須溫補故此方不獨治對口

之陰毒也

人參敗毒散

敗毒散  
荆防敗毒散

連翹敗毒散  
木通敗毒散

治傷寒頭痛憎寒壯熱項強睛暗鼻塞聲重風疾欬嗽及時氣疫癘嵐瘴鬼瘧或聲如蛙鳴赤眼口瘡溼毒流注脚腫腮腫喉痺毒痢諸瘡斑疹

人參 羌活 獨活 柴胡 前胡 川芎 枳殼 桔梗 茯苓

各一錢

甘草

五分生

生薑

三片

薄荷

三分

口渴舌燥加黃芩脚氣加大黃蒼朮膚癢加蟬退本方除人參名敗毒散治同加荆芥防風名荆防敗毒散治時氣風毒邪熱腸風下血風溼去人參加連翹金銀花名連翹敗毒散治瘡毒加木通名木通敗毒散治驪龍痘疔此方用人參所以足正氣而祛外淫也

天葵飲

治足疔

寒水石

滑石

各四兩

歸尾

二兩

甘草

各二兩生

赤小豆

半升

菜豆

一升

紫背天葵

一大把



濃煎汁隨時噴之外搗紫背天葵敷之留頭勿掩此證在下體治之較難多  
 由服食丹石熱毒及春藥強陽釀酒燔灸之類致毒熱積而下流一時暴發  
 屬之相火胃火異於上炎之火無可發散惟寒以勝之耳天葵葉似爪形故  
 入足且解諸毒

顧步湯

治脫骨疔足疽發於大指者

黃耆五錢 生

當歸四錢 酒洗

黃蘗藍酒炒

知母酒炒

金銀花各二錢

熟地黃

牛膝

虎脛骨各三錢 酥炙

肉桂

乾薑各一錢

酒煎服此方陰陽兼滋氣血交補毒在足指非此不足以達之否則彊弩之

末不穿魯縞矣

驅溼保脫湯

治足疔及脫骨疔

薏仁三兩 東壁土炒

茯苓二兩

桂心一錢

白朮一兩 土炒

車前子五錢

水煎連服十劑方無後患 見石室秘錄

顧步保脫湯

治足疔及脫骨疔與驅淫湯同功并治無名腫毒

牛膝 六錢

金石斛

台黨參

黃耆 各一兩

金銀花 三兩

當歸 一兩

甘草 三錢

如心腹脹滿或減去甘草否則不減水煎服三劑痛定若已潰爛多服自效

木香流氣飲

治六脈暴絕毒氣閉塞 多服則敗血

當歸

白芍 酒炒

川芎

紫蘇

桔梗

枳實

麩炒

烏藥

陳皮

製半夏

白茯苓

黃耆

防風

青皮 各一錢

大腹皮

檳榔

枳殼

麩炒

甘草節

澤瀉

木香 各五分

研末

生薑 三片

紅棗 二枚

水煎服

疔毒復生湯

治疔毒走黃頭面發腫毒氣內攻煩悶欲絕者

牛蒡子 牡蠣 卮子 木通 乳香 皂角刺 沒藥 僵蠶 大黃

金銀花 天花粉 地骨皮 各等分

脈寔便秘者加撲硝用磨刀鐵鏽水一鍾沖入同煎一二次即醒出汗即生無汗難治

七星劍

治疔瘡初起寒熱嘔吐肢體麻木痛澀非常甚則昏憤者

野菊花 嫩頭 蒼耳草頭 豨薟草 半枝蓮 地丁草 麻黃 各一錢

草河車 二錢

水煎服蓋被出汗

重證前五味宜加重冬月無鮮者宜預採陰乾備用

五味消毒飲

治疔初起壯熱增寒

金銀花 三錢

野菊花

蒲公英

紫背天葵

紫花地丁

各一錢二分

水煎服蓋被取汗

化疔內消散

治平緩疔瘡

穿山甲 知母 大貝母 白芨 草河車 乳香 天花粉 皂角刺

金銀花 當歸 赤芍 甘草 各一錢 水煎服

加味黃連解毒湯 大寒宜酌用

治疔毒入心渴熱便閉煩悶脈寔若非寔火不可輕服

黃連 條芩 黃柏 梔子 連翹 甘草 生 牛蒡子 各等分 炒研

水煎服加葱白或大黃均可

鮮毒大青湯

治疔毒誤灸逼毒入裏燥渴謔語

大青葉 元參 桔梗 知母 升麻 梔子 生研 木通 石膏 煨

人中黃 煨 麥門冬 去心 淡竹葉 各二錢 燈心 二十根

水煎服便閉加生大黃悶亂加燒焦人糞用陳年糞清更效

內托安神散

治疔毒針後氣虛驚悸

人參 麥門冬 茯苓 黃耆 白朮炒焦 元參 陳皮各一錢 石菖

蒲 棗仁炒 遠志肉 五倍子 甘草各五分

煎服時加硃砂末三分調和同下

托裏散

治疔瘡及諸惡毒初起腫甚脈弦寔洪數勢欲作膿寔熱堅滿下其裏而托之

金銀花 大黃 樸硝 天花粉 連翹 赤芍 皂角刺 條芩 牡

蠣各一錢 當歸四錢 水煎服

神授衛生散

治癰疽發背腦疽丹瘤瘰癧惡毒疔瘡溼痰流注及一切瘡證不問陰陽表裏虛是未成者自消已成者即潰將潰者餘毒自去新血自生功效甚速外

科之要方也

羌活 白芷 穿山甲炙 石決明煨 乳香 沒藥 大黃各一兩生

沉香 防風 蟬退 僵蠶各五錢

各研為末和勻每服五錢另用歸尾一兩黃酒二碗煎八分調前藥末服預用金銀花一兩煎湯一小碗服藥末後漱口嚥下蓋被取汗疔不用酒

加味荆防敗毒散

治一切喉證脈洪大六七至者用之

荆芥 防風 牛蒡子 連翹 膽星 獨活 前胡 枳殼 蘇子

瓜蒌仁 杏仁 生地黃 黃芩 黃柏 黑山梔 元參 燈心二十莖 須原枝

長流水煎和保命丹同服如大便不行去荆芥防風加枳實青皮大黃

除瘟化毒散

治喉證及時疫

葛根 僵蠶 山豆根 冬霜葉 卮子炒 黃芩 木通各二錢 生地黃

浙貝母

各三錢

蟬退

甘草

各一錢

青果

三枚

或加金銀花

四錢

水煎服以愈為度輕者不過三五劑即效

### 內顧清心散

治癰疽發背對口疔瘡熱甚焮痛煩躁飲冷如防毒氣內攻當先服之庶無變證之患

茯苓 辰砂 人參 元明粉 白豆蔻 甘草 乳香

去油

明雄黃

各二錢

冰片

一錢

真桑豆粉

二兩

為細末每服一錢五分不拘時蜜湯調下

### 回疔散

治疔走黃證在危篤者

土蜂窩

一個

有子者

蛇退

一條

不在地者佳

泥色煨存性研細白湯空心調服一二錢少頃腹痛大作定後瘡化為水自效痛時大瀉更效

治疔走黃方

凡疔毒漫腫甚至神識模糊謂之走黃速用芭蕉根打汁一碗服之

速服數碗更效

再用蟾酥丸放舌下噉化或服拔疔毒丸二十一粒如口閉用箸撥開將丸灌入扶坐片時輕者洩四五次重者洩十餘或下血更妙然後飲新汲水一酒杯少停再飲米湯洩則止矣如無拔毒疔丸即用

犀角 三錢

羚羊角 二錢

用水煎濃再加

金銀花

黑山扈

當歸

連翹

甘草

生

赤芍

各三錢

黃連

一錢五分

蘇子

防己

各一錢

大黃

一兩

體弱者減用生

煎服服後大便下血者可治無血者不治

菊花飲

治疔毒對口發背一切紅腫者極效白色平坦者勿用

鮮菊花連根葉同搗自然汁一鍾用酒冲服

疔不用酒

毒重者愈多服愈妙蓋

被出汗其毒自解并用渣敷患處

須露頂

如無鮮家菊用野菊亦可或用乾

菊花四兩生甘草四錢水煎溫服汪雙池先生云此藥氣味甚輕用以治



病非可責之一撮之微也此方治疗有起死回生之效

地丁飲

與菊花飲同功

用鮮紫花地丁花根葉搗汁服之

一切照前方

同菊花飲間服更效二方并用

則名拔疔散或如蒲公英

一名黃花地丁亦以丁治疔之意疔古書作丁

甘草末三錢

調服更效

消疔化毒湯

疔毒通治

紫地丁

甘菊花

金銀花各一兩

蒲公英

五錢

夏枯草

連翹各三錢

鬱金二錢

甘草四錢

鮮菊葉二兩

打沖汁

若已潰爛加當歸一兩

桔梗湯

清熱散腫

桔梗

防風

百合

貝母

括萎仁

元參

當歸

甘草節

薏仁

桑白皮

防己

黃耆生

枳壳

或去防己加連翹薄荷

羌活散

治手背手心毒

羌活 獨活 前胡 桔梗 烏藥 荆芥 當歸 升麻 薄荷 威

靈仙 甘草 水酒各半煎食遠服

治喉紫地湯

通治喉證

凡喉證之藥宜蒸不宜煎煎則不如蒸之見效

紫荆皮 小生地 各二錢 防風 赤芍藥 丹皮 桔梗 荆芥穗 各八分

薄荷 甘草 各六分 細辛 四分 茜草 一錢 燈心 寸二十 紅內消 一錢

草藤端午採取者更佳

開水沱藥蒸服孕婦去丹皮加四物湯 即生地當歸川芎白芍 熱甚加連翹犀角頭痛

閉塞加開關散 即川芎白芍 煩渴加銀鎖匙 即花粉元參 潮熱加黃芩柴胡欬嗽加參

冬知母大便閉結小便赤澀加木通數日不大便加元明粉熱壅肺開致氣

喘者加麻黃 數分先滾去沫再入藥同蒸 痰稠加川貝母

治喉六味湯

治喉證初起

桔梗 甘草<sup>生</sup> 防風 荆芥穗 僵蠶 薄荷

不論何喉證初起一服後再加減

內疏黃連湯

治癰疽腫硬發熱作嘔大便秘澀煩躁飲冷舌乾口苦六脈沉實有力此邪毒在臟也服此內除使邪氣不得傳經絡

木香 黃連 山梔 當歸 黃芩 白芍 薄荷 檳榔 桔梗

連翹<sup>各一錢</sup> 甘草<sup>五分</sup> 大黃<sup>二錢</sup> 食前服加蜜兩匙亦可

加減升葛湯

治陽明風熱

升麻<sup>四分</sup> 葛根<sup>一錢</sup> 大貝母<sup>三錢 去</sup> 元參<sup>三錢</sup> 連翹<sup>二錢</sup> 天花

粉<sup>一錢 五分</sup> 金銀花<sup>五錢</sup> 甘草<sup>一錢</sup> 黃芩<sup>一錢</sup> 歸尾<sup>三錢</sup> 石膏<sup>三錢</sup>

薄荷一錢 蘆根五錢

### 四妙湯

能使一切外證移深居淺轉重就輕

生黃耆五錢

大當歸一兩

金銀花一兩

甘草節二錢

煎好須一晝夜服盡如成而血氣素虧不能穿漬者加白芷角刺穿山甲各二錢一周時自潰潰即削去角刺山甲如初起焮痛口渴加天花粉過大證金銀花加至六兩或四兩黃耆加至四兩當歸加至一兩甘草加至三錢多則一兩或有瘡色不起膿水清稀即加肉桂轉陰為陽化毒成膿如乳癰乳吹加蒲公英一兩即消封口加茄蒂十四個是方百發百中萬穩萬當倘偏身有濕熱瘡癬者勿用此即神效托裏散又名回毒銀花湯

### 外證敗毒散

疔瘡通用初起及輕者用之

防風

甘草

前胡各一錢

赤芍一錢五分

穿山甲一片

元參

連翹各二錢

錢 生地 銀花各三錢 蒲公英 野菊花根各五錢 便寔者大黃二錢  
人參清神湯

治疔潰後餘毒未盡五心煩躁恍惚不安者

人參 黃耆 白朮 當歸 茯苓 遠志 陳皮 麥冬去心 地骨

皮 柴胡 黃連 糯米一撮 食遠服

八珍湯

治元氣不足脈洪神倦膿水清稀久不收斂者

人參 茯苓 熟地黃 當歸 白芍酒炒 川芎 白朮各一錢 甘草

五分 薑三片 棗二枚 水煎食前服如毒未盡不可輕用補劑

十全大補湯

治潰瘍發熱惡寒作痛膿多膿清自汗盜汗及遍身流注瘰癧便毒等瘡久  
不作膿或膿成不潰潰而不斂者即於八珍湯加 黃耆 肉桂 若氣血  
不足結腫作腫未成宜另加 陳皮 香附製 半夏製 連翹 服之自

消若潰後服此方必毒火除而後可全用

人參養榮湯

治潰瘍發熱惡寒神倦肌瘦面黃氣促瘡口不收或大瘡痊愈多服素無變  
證之患方於十全大補湯內去川芎加 陳皮 遠志 五味子

補中益氣湯

治瘡瘍元氣不足四肢倦怠口乾發熱脈洪無力心煩氣怯者

人參 當歸

白朮

甘草各一錢

升麻

柴胡

陳皮各三錢

黃耆一錢

五 薑三片

棗二枚

如脚發背不腫不痛宜用

人參

茯苓各三錢

陳皮一錢

當歸五錢

白朮

黃耆各一兩

半夏製

甘草各二錢

水煎連服十劑是方本無參冬五味子後人加入徐靈胎言此二味不可用  
并言升柴二品亦當酌用毒輕而虛者方可大補然亦當用托毒之藥否則  
虛而受補者多生虛而不受補者不治矣

人參黃耆湯

治潰瘍虛熱不睡少食或寒溼相凝作痛者方照前補中益氣湯去柴胡加

神麩 蒼朮炒 黃柏各五分炒

猪蹄湯

足疔及外證潰爛洗之甚效洗後隨服護心散

當歸 白芷 羌活 甘草生 赤芍 露蜂房各等分

黃芩或去黃芩加白礬更效

葱白七個連鬚

為粗末先將雄豬前蹄一隻用水六碗煮軟為度去面上浮油并湯下濁脚

取清汁入藥一兩煎數十沸用絹漉去渣候溫用軟絹淋洗輕者用葱白煎

湯洗之洗畢俟乾隨即上藥生肌玉紅膏最好

文蛤散

治腫痛不已未潰已潰皆可洗

文蛤三兩打碎去蟲 葱白十餘根

水煎溫洗

隔蒜灸法

治頭項以下外證及發背脫骨疔等證初起極效用大蒜頭去皮切三分厚  
放瘡頭以艾壯於蒜上灸之三壯換蒜覺燙即易去痛甚者灸至不痛不痛  
者灸至痛或九壯或三五十壯或百壯未成即消已成其勢亦殺如瘡大將  
蒜打爛攤患處以艾鋪上灸之蒜敗再換陰證如石者用蒜片擦過着肉灸  
之灸前宜服護心散灸後宜托裏之劑如灸小兒先將蒜置大人臂上燃苑  
候溫即移於小兒毒上易艾照前瘡如發腎俞穴在項後十四椎下由腎水枯竭而  
生灸則黑陷而死又有元氣虛弱瘡不高腫體倦神昏脈空虛浮散此內無  
真氣灸之必昏潰而死頭為眾陽之首瘡由亢陽所致灸必加腫痰動而死  
此數者宜慎之

### 神燈照法

治發背初起七日前未成者即消已成者自潰諸證皆然誠妙法也毒在頭  
面者勿用

雄黃 硃砂 血竭 沒藥 麝香 各一分

錢

麝香 二分



共研細末綿紙裹藥三分作捻長七寸麻油浸透點火離瘡半寸自紅暈外  
周圍徐照由外而內將捻猛向外提引毒外出不致內侵臟腑初用捻三條  
漸加至五六條照畢隨用數藥如已消膿多不必用倘患脫骨疔宜照方另  
加 蜈蚣 三條 番木鱉 一個 共研末照法如前另用 硃砂 雄黃

銀硃

各三錢

黑鉛 一錢

化入

水銀 一錢五分

俱研細

紅棗 二十個

杵爛

共搗勻作十丸

日燒一丸放小口罐內對患處薰之勿洩氣連薰三日自效兼治漏蹄風足  
跟疽及楊梅諸瘡

按景岳全書備言外證無論已成未成用神燈照法最為靈驗所謂不表而  
汗不鍼而潰不補而定不下而毒盡不灸而陷舉其神妙不可思議恐人忽  
視此方復歷歷引證以堅人信余亦屢試屢效陰證照後即起紅色轉為陽  
證獨疔則於足上者最宜頭面不宜也照時先用豬蹄湯洗外面照後不可  
即貼膏葯恐毒氣內鬱也用滾水泡熟大蔥搗開攤貼外用數藥更效如瘡  
毒初起須內服敗毒藥數劑氣血薄弱須服託消藥數劑方可萬全

照後敷藥方

神燈照後用敷外面并敷一切外證

車前草

蒼葍草

金銀花

五爪龍

各等分

陳小粉

酌加

食鹽

少許

右四草採鮮者一處搗爛入陳小粉食鹽研為稠糊敷瘡上中留一頂拔膿

出毒若冬無鮮者用乾葉為末陳醋調敷亦可或五爪龍一時難得

草藥攤上有此

草出售或預免應用

即單用三味

有僅用葍葍草者

與小粉鹽同敷者亦能奏效不可拘也

霹靂火蒸法

助內疔出汗也

鷺卵石燒紅乘熱速放鐵杓內隨將杓放桶內以荆芥為末調入釀醋淬石上令患者將患處向桶口棉衣蓋好勿洩氣氣微再添紅石及醋以腫處汗出為度遍身汗出更妙

桑枝烘法

治諸證初起或日久毒堅不潰潰而不腐新肉不生疼痛不止者如陰疽不

起一灸即起脫骨疔亦宜灸之

斫新桑枝劈若指粗長七寸紮作小把火燃一頭吹滅離患處寸許側向由外而內懸空熨灸運力虛提火盡再換再灸日二三次每次灸三四壯以止痛消腫散瘀為度若腐脫而新生不速者宜灸瘡之四圍凡流注陰瘡腫瘡癰癤諸瘡歷久不愈俱宜如法灸之蓋火有拔山之力桑火能散毒補陽莫善於此矣

### 挑洩五臟毒法

刺疔之法上卷詳言之矣疔毒之發由於五臟五臟皆繫於背故凡生疔背上必有紅紫斑點且有一定部位其發於心肺者現於背之上發於肝脾者現於背之中發於腎者現於腰輕者色紅重者色紫急用鍼於斑點上挑刺約入一二分擠去惡血以洩其毒日挑二次多則三次則重者轉輕輕者散矣若暗內二疔俱詳上或耳底作痛或心窩刺痛或生於隱處一時難辨觀背

上如有斑點即是生疔速為挑刺出血此洩毒之要法也

挑後治之昔見鈴毒見解散

醫為人治疔視患者背上有紅點悉數挑之發而上名曰挑疔脚後聞馬培之徵君云大凡生疔背上俱發紅紫斑點皆有部位試之誠然其法簡便而驗故附誌於後

### 痧證通治方

按漢陽傳載萬曆丁亥都人患羊毛疔死者甚眾陳修園醫書所載心經疔火疔證雖名疔寔則痧也茲擇簡便應驗之方可治七十二痧證者以備急用

### 雷擊散

乾隆元年貴州省瘟疫盛行雷火擊書此方於丹平山活人無算凡痧證瘟病時證屢用如神

猪牙皂

細辛

各三錢半

腰黃

硃砂

各二錢半

木香

陳皮

藿香

桔梗

薄荷

貫眾

法半夏

防風

生甘草

各二錢

桔礬

白芷

各一錢

共研細末收入磁瓶用蠟封口隨帶身旁每用一二分吹鼻中再用一二錢

薑湯沖服睡片時汗出即愈

### 煙油鮮痧方

取多年熟旱煙筒

或名旱煙袋

中之煙油沖水食之如味甜不辣即是對證多食

為妙食之味辣即不可用此方能治七十二痧證最散熱毒寒相兼者亦能散真神方也 治各疔用煙油膏厚塗四圍毒水流出自愈

滿天星方

一名移星草又名金錢草葉小而光似微有毛深綠色平地花盆皆有

每用六七錢放粗盃中捶數百下不使汁水走散再加淘米水沖入去渣敷疔斑頭上火毒即從小便出屢用如神若色淡紅平塌不起者萬不可服其性太涼故也

### 擦雞蛋清方

取鮮雞蛋頂開一小孔用蛋清

不用黃

擦前心背心兩腰眼尾閭骨共五處擦

三四次每處用蛋清三四分用輕力擦完為一次如有脹痛即在脹處擦之擦後復脹再擦至不脹為度擦出黑白毛或如雞毛管樣不可拔動用新棉

花鋪毛上外用細細好其毛自落棉上此方治痧最為神效

此證治法及方味載於陳修園醫書神授急救奇方內試之甚效見是證者萬勿遲疑

### 觀音救急丹

治一切痧證

硃砂 水飛

腰黃

各一兩二錢 水飛

萹撥 四分

月石 四錢

麝香 一錢五分

明礬 二錢

牙硝 八分

梅片 一錢五分

赤金箔 四十張

共研細如塵

不能照目

每瓶裝一分五釐以蠟封口倘遇痧證將牙篦蘸藥點

兩眼大頭三次

男先點左女先點右

輕者一次再以四釐納臍中蓋膏藥上放薑一片

艾灸九炷以三釐放舌上用陰陽水一鍾干調趁轉時送下

小兒減半弱者及孕婦忌服

片時即愈另以辣蓼

即紅蓼俗名觀音柳生田間長而無辣味者不效

宣木瓜

各半斤

陳黃酒 二斤 燒

滾用手巾兩條更換揩肚腹及四肢與前藥并用更效

單用亦效

各種出版書籍廣告

吳東陽醫書三十二種

內經知要講義

外科秘錄

外科正宗

本草原始

眼科大全

婦人良方

眼科百問

小兒推拿

筆花醫鏡

醫宗必讀

四開仿宋湯頭歌訣

大字足本牛馬經

大字足本雷公炮注藥性賦

雷公炮注藥性賦

三指禪

四秘全書地理十二種大全

地理直指原真

地理鉛彈子

地理辨正疏

精校斷易大全

精校增刪卜易

五彩活藍奇門統宗大全

奇門元靈經

精校欽板神數

諏吉便覽

精校鰲頭通書

萬寶玉匣記

萬法歸宗

精校羅經透解

精校羅經解定

精校三元總錄

三世相法

上海新北門大成書局發行